



UNIVERSITÄTS-
BIBLIOTHEK
PADERBORN

Universitätsbibliothek Paderborn

S. Avrel. Avgvstini Confessionvm Libri X

Augustinus, Aurelius

Coloniae, 1646

Cap. X. Romæ Manichæorum consuetudine se usum, & à fide Catholica,
ignorantia maxime substantiæ incorporeæ retardatum.

urn:nbn:de:hbz:466:1-10120

L. 3. c. 11. quo supra, cuius fiducia conversionem filii à Deo, quasi jure suo postulabat.

V S V S.

1. Mirabilis & profunda misericordia! qua Deus Augustinum non permisit mori, cum iturus erat ad inferos, qui tot alios in gravibus peccatis ad æterna supplicia abripi permittit. Fuit hoc beneficium S. D. magnus utique stimulus ad Deum ferventer postea amandum: & esse debet cuivis, qui meminit se in peccatis mortalibus, aliquando mori potuisse. Vnde merito S. Ignatius in libello exercitiorum, hoc velut ariete, in meditatione de peccatis alienis, animum impellit ad pœnitentiam: dum expendit, quot vel ob unicum mortale peccatum, sint damnati, quia Deus non expectavit eorum pœnitentiam.
2. Ecce antiquæ Ecclesiæ consuetudinem extrendi altaria & templa, eaque frequentandi quotidie sæpius.
3. Eæ demum preces efficaces sunt, quæ vitæ sanctitate & bonis operibus adjuvantur: illarum vi Monica vidua casta ac sobria, salutem filio impetravit.

C A P.. X.

*Roma Manichæorum consuetudine se usum,
et à fide Catholica, ignorantia maxime
substantia incorporeæ retardatum.*

1. R Ecreasti ergo me ab illa ægritudine, & salvum fecisti filium ancillæ tux; tunc interim corpore, ut esset, cui salutem meliorem atque certiorem dares. Et jungabar etiam tunc Romæ falsis illis, atque fallentibus sanctis. a Non enim tantum Auditoribus eorum, quorū è numero erat etiam is, in cuius domo ægrotaveram, & convalueram: sed eis etiam, quos Electos

VO-

vocant. Adhuc enim mihi videbatur non esse nos, qui peccamus, sed nescio, quam aliam in nobis peccare naturam: & delebat superbiam meam extra culpam esse: & cum aliquid mali fecisset, non confiteiri me fecisse, ut sanares animam meam, quoniam peccabam tibi; sed excusare eam amabam, & accusare nescio quid aliud, quod mecum esset, & ego non essem. Verum autem totum ego eram, & adversum me impietas me diviserat: & id erat peccatum insanabile, quo me peccatorem non esse arbitrabar: & execrabilis iniquitas, te Deus omnipotens, te à me ad perniciem meam, quam me à te, ad salutem malle superari.

2. Nondum ergo posueras custodiā ori meo, Psal. 140.
3. 4.
 & ostium continentia circum labia mea: ut non declinaret cor meum in verba maligna, ad excusandas excusationes in peccatis, cum hominibus operantibus iniquitatem; & ideo adhuc combinabar cum Electis eorum. Sed tamen jam desperans, in ea falsa doctrina me posse proficere: eaque ipsa, quibus si nihil melius reperirem, contentus esse decreveram, jam remissius negligentiusque retinebam. Etenim suborta est etiam mihi cogitatio, prudentiores cæteris fuisse illos philosophos quos b Academicos appellant, quod de omnibus dubitandum esse censuerant, nec aliquid veri ab homine comprehendendi posse decreverant. Ita enim & mihi liquido sensisse videbantur, ut vulgo habentur, etiam illorum intentionem nondum intelligenti.

3. Nec dissimulavi eundem hospitem meum reprimere à nimia fiducia, quam sensi eum

eum habere de rebus fabulosis, quibus Manichæi libri pleni sunt. Amicitia tamen eorum familiarius utebar, quam cæterorū hominum, qui in illa hæresi non fuissent. Nec eam defendebam pristina animositate; sed tamen familiaritas eorum, (plures enim eos Roma occultat) pigrius me faciebat aliud querere: præsertim desperantem in Ecclesia tua Domine cœli & terræ, creator omnium visibilium & invisibilium, posse inveniri verum, unde me illi averterant. Multumque mihi turpe videbatur, credere figuram habere humanæ carnis, & membrorum nostrorum lineamentis coporalibus terminari. Et quoniam cum de Deo meo cogitare vellem, cogitare nisi moles corporum non noveram (neque enim videbatur mihi esse quicquam, quod tale non esset) ea maxima & prope sola causa erat inevitabilis erroris mei.

4. Hinc enim & mali substantiam quandam credebam esse tales, & habere suam molem, tetram & deformem sive crassam, quam terram dicebant: sive tenuem atque subtilem, sicuti est aëris corpus, quam malignam mentem per terram repentem imaginantur. Et quia Deum bonum, nullam malam naturam creasse, qualiscunque pietas me credere cogebat: constituebam ex adverso sibi duas moles, utramque infinitam, sed malam angustiū, bonam grandius: & ex hoc initio pestilentioso, me cætera sacrilegia sequebantur. Cum enim conaretur animus meus recurrere in Catholica fidem, repercutiebar: quia non erat Catholica fides, quam esse arbitrabar. Et magis

magis pius mihi videbar, si te Deus meus,
cui confitentur ex me miserationes tuæ, vel
ex ceteris partibus infinitum crederem
(quamvis ex una qua tibi moles mali oppo-
nebatur, cogerer finitum fateri) quam si ex
omnibus partibus, in corporis humani for-
ma, te opinarer finiri.

s. Et melius mihi videbar credere nul-
lum malum te creasse (quod mihi nescienti
non solum aliqua substantia, sed etiam cor-
porea videbatur: quia & mentem cogitare
non noveram, nisi eam subtile corpus esse,
(quod tamen per loci spacia diffunderetur)
quam credere abs te esse, qualem putabam
naturam mali. d Ipsum quoque salvatorem
nostrum unigenitum tuum, tanquam de
massa lucidissima molis tuæ, porrectum ad
nostram salutem ita putabam: ut aliud de
illo non crederem, nisi quod possem vani-
tate imaginari. Talem itaque naturam na-
sci non posse de Maria virgine arbitra-
bar, nisi carni concerneretur. Concerni
autem, & non inquinari non videbam,
quod mihi tale figurabam. Metuebam ita-
que credere in carne natum, ne credere
cogerer ex carne inquinatum. Nunc spiri-
tuales tui, blande & amanter ridebunt me,
si has confessiones meas legerint. Sed ta-
men talis eram.

N O T A E.

a Non enim tantum auditoribus eorum) serviebat ni-
mirum electis, cibos eis afferendo eosque audi-
endo: in electorum tamen ordinem nunquam
venit, ut ipse testatur.

De util.
cred.c. 3.

b Academicos) Sectatores ii Arcesilæ fuerunt, qui
rationem disputandi ad Socratis modum mo-

H rem

170 S. A V R. A V G U S T . C O N F E S.

¶. 3, de
civ.c.12.

remque reducere tentavit , nihil ut affirmaret
ipse , vel se scire diceret. quæ vero ab aliis dr.
cerentur , ea refutaret , teste Ludovico Vives.
Contra hos Augustinus jam Catholicus , non
dum tamen baptizatus , tres libros scripsit.

c Non erat Catholica fides) falso enim una cum
Manichæis imponebat Catholicis , quod doce-
rent Deum humani corporis figura termina-
ri , & alia absurdæ , quæ Catholica fides dete-
statur.

d Ipsum quoque Salvatorem nostrum) ideo putabat
Christi carnem veram non fuisse , quia credebat
eum esse purissimam partem divinæ substanciæ
quam non deceret coquinari concretione car-
nis , cuius autorem faciebant Manichæi princi-
pem tenebrarum , ut supra dictum.

¶. 3. c. 10.

V S V S.

1. Rursus apparet , quantus obex salutis sit Su-
perbia , ea alligabat Augustinum substantiæ mal-
i , ut per eam excusare posset scelera sua , quod
clare explicat. Nimis ubique Deus superbis
resistit. Alter obex caro erat , cui animo & affe-
ctione immersus , non merebatur ad cogitanda in-
corporea attolli.

2. Miseranda est hæreticorum cæcitas , qui in
iis ipsis erroribus , quos Catholicis falso affini-
gunt , vere & misere errant. Videbatur turpe
Augustino credere cum Catholicis (quod tamen
non credebant) Deum humana figura termina-
ri : nec videbat stultum esse fateri Deum esse fi-
nitum , qua parte opponeretur substantiæ mali ,
et si ex cæteris partibus esset infinitus : cum quid-
quid finitum est , divinæ immensitati repugnet ,
& perinde impossibile sit , Deum aliqua sui par-
te esse finitum , quam omnibus.

CAP.